



UNIVERSITÄTS-
BIBLIOTHEK
PADERBORN

De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

Dvb. 1. Quid mutuum.

[urn:nbn:de:hbz:466:1-72459](#)

CAPUT VIGESIMVM:

Demutuo & vsura. D.Thomas q.78.

Constat Dubitationibus 24.



NO T A N D U M est, lucrum vsuram vocari *vsuram*, ed quod ex *vsura*, id est, *vsu* pecunia alteri mutuatæ proueniat. *vsura* enim idem valet quod *vsus*: dicimus enim Latinè, habere *vsuram* huius lucis, *vsuram* breuissimi temporis. & Cicero, *Natura dedit vsuram vita, sicut pecunia*. Hinc factum est ut lucrum ex *vsura* seu *vsu* pecunia proueniens, *vsura* vocetur. Idem lucrum vocatur etiam *fenus*, quasi quidam fœtus pecuniarum, & Græcè *τίκη*, id est, partus. de quo vide pulchra apud Ambrof. l.de Tobia c. 12. & 13. & Basil. Homil. 2. in Psalmum 14. qui dicunt *vsuram* vocari *fenus* & *τίκη*, quod cum pecunia sit natura suā maxime sterilis, tamen industria avarorum, vincit fecunditate omnia viuentia.

2 Notandum Secundò, haec nomina non semper accipi in malum; vt Deuter. 29. *Fauerabis gentibus multis, & a nullo fenus accipies*, id est, mutuabis. Ecclesiastici 29. *Fauerare proximo tuo in tempore necessitatis*. Similiter apud profanos Scriptores saepè pro iusto lucro seu interesse accipiuntur:

DUBITATIO I.

Quid mutuum.

NOTANDUM EST, nomen *mutuum* aliquando accipi pro re ipsa, que eadit in contractum mutationis; vt cum dicimus dari vel reddi *mutuum*; aliquando pro ipsa mutatione; quo modo hic loquimur de *mutuo*, & poret sic describi: **3** *Mutuum est traditio rei, numero, pondere vel mensura constantis, facta eo animo, ut statum fiat accipientis, cum obligatione ut similis specie & bonitate restituatur*. colligitur ex Institut. tit. Quibus modis re contrah. obligat. & r. Si certum petetur, L. 2.

Exphco singula. *Est traditio, quia mutuum perficiunt traditione, sicut donatio, commodatum, depositum, hinc excluduntur contractus qui verbis perficiuntur; vt emptio, venditio, locatio, conductio, & similes.*

4 *Rei, numero, pondere vel mensura constantis; quia mutui obligatio in his rebus consistit, quæ numero, pondere, mensurae constant; vt in vino, oleo, frumento, pecunia numerata, ære, argento, auro, vt habetur Institut. Quibus modis re contr. oblig. in principio, & d. L. 2. r. Si certum petetur. Non dico *vsu consumptibilis*; quia si tibi mutuum libram eris vel argenti, est verum *mutuum*, vt patet ex locis citatis; non tamen rei istius *vsus*, est *consumptio* vel *alienatio*. Vnde non est verum, quod ait Naupactus cap. 17. num. 206. *mutuum reperi in solis rebus quæ vsu consumuntur; et si verum sit, vt plurimum in his reperiatur*. Dicunt autem *vsu consumi*, quarum *vsus* est *consumptio*; (*vt oileum, vinum*) vel *alienatio* (*vt pecunia*). Haec res*

dicuntur à iurisperitis *accipere functionem* (vt patet L. 2. r. Si certum pet.) quia una potest fungi vice alterius, vt *frumentum*, *frumentū*; *pecunia*, *pecunia*; vt colligitur ex eadem lege. Similiter non est propriè *mutuum*, si quis alteri det ouem vel bouem, recepturus aliam ouem vel bouem: quia haec non constant pondere, numero vel mensura. Vnde etiam non solemus dicere, *Mutua mīhi vnam ouem*. sed potius est *contraetus innominatus*. Dabo vt des. sicut si quis det *sacculum pecunia* vt alium recipiat similem; non est *mutuum*, sed *contraetus innominatus*, vt inquit *Glossa Institut.* suprà in principio.

Eo animo, &c. quia *mutuum* dicitur quasi ex meoutuum; ita enim à me tibi datur, vt ex meo tuum fiat; vt habetur Institut. suprà, & d. L. 2. suprà.

Cum obligatione, quia haec traditio non habet rationem mutationis; nisi cum obligatione fiat. hinc excluditur donatio.

Vt similis in specie; si enim reddenda si res alterius speciei, non erit *mutuum*, sed *permutatio*: si vero eadem numero, non erit etiam *mutuum*, sed *commodatum*, vel *depositum*. Itaque ad rationem mutui requiritur vt *mutuarius obligetur reddere rem similem secundum speciem*: vt autem serueretur aequalitas, debet esse pars bonitatis.

DUBITATIO II.

Vtrum aliqui ex mutuo non obligentur.

Respondeo; Omnes, qui possunt contrahere, **6** iure naturæ ex *mutuo obligari*; nisi priuilegio iuris positivi eis concessum sit vt in certis casibus non obligentur, vel certè obligationem possint elidere exceptione. Tale autem priuilegium concessum est *filio familias, Ecclesie, ciuitibus, & minoribus*.

Ac Primò quidem *filius familias*, qui est sub *Filiis familiæ* patria potestate, si *mutuum* pecuniam absq; *concessum* patris accepit, non tenetur in effectu ad restitutionem; ne post mortem quidem patris, quia potest opponere mutuatori exceptionem *Senatus consulto Macedoniani*, quo concessum est ei, vt non teneatur soluere, vt docet Gomezius tom. 2. cap. 6. num. 2.

Vbi notandum Primò, Huius Senatus consulti occasionem dedisse quemdam Macedonem feceratorem. hic Romanus filius familias perentibus pecuniam mutuabat, qui postea oppresi ære alieno, vita parentum insidiabantur, vt hereditate potiti, possent soluere. quam ob causam *Senatus consulto* cautum fuit, vt si quis filius familias *mutuum* pecuniam dedisset, ei non daretur actio, peritique, ne quidem post mortem patris, vt habetur L. 1. r. de S. C. Macedoniano.

Notandum Secundo, Quamvis verbis huius **8** *Senatus consulti* solum videatur tolli obligatio ciuilis: